

Resolución do 19 de xuño de 2020, da comisión de selección designada para cualificar o proceso selectivo para o ingreso nas listas previas na categoría de Técnico/a de Laboratorio resultante do período de actualización, convocado por resolución do 20 de setembro de 2019 do Director-Xerente (DOG 01 de outubro de 2019) pola que se fai pública a relación de candidatos/as que non acreditaron o coñecemento do idioma galego, e se convoca a realización da proba de galego e outros acordos.

En sesión que tivo lugar o día 19 de xuño 2020, a comisión de selección designada para cualificar o proceso selectivo para o ingreso nas listas previas na categoría de Técnico/a de Laboratorio, e de conformidade co establecido nas bases xerais e específicas das que rexen os procesos, entre outros, ACORDOU:

Primeiro.- Aprobar a relación de candidato/as que non acreditaron o coñecemento do idioma galego.

De conformidade co establecido nas bases xerais 1.6.1 e bases específicas 1.4.1 que rexen o proceso, acordou aprobar a relación de candidato/as que non acreditaron o coñecemento do idioma galego mediante a presentación de diploma, certificado ou curso homologado polo órgano competente en materia de política lingüística.

Segundo.- Facer pública a listaxe de candidato/as que non acreditaron o coñecemento do idioma galego.

De conformidade co establecido nas bases xerais 1.6.1 e bases específicas 1.4.1 que rexen o proceso, acordou facer pública a listaxe de candidato/as que non acreditaron o coñecemento do idioma galego mediante a presentación de diploma, certificado ou curso homologado polo órgano competente en materia de política lingüística, e que se relacionan como Anexo I adxunto á presente resolución.

Terceiro.- Convocar á realización da proba oral.

De conformidade co disposto nas bases xerais 1.6.1 e bases específicas 1.4.1 das que rexen o proceso, acordou convocar ós/as candidato/as que se relacionan no Anexo I para a realización da proba oral de galego.

Cuarto.- Data, hora e lugar para a realización da proba e desenvolvemento da mesma.

De conformidade co disposto nas bases específicas 1.4.1 das que rexen o proceso, a proba de galego no proceso de selección para o ingreso nas listas previas na categoría de Técnico/a de Laboratorio resultante do período de actualización de méritos, realizarase de acordo co disposto a continuación:

DATA: 23 de xuño de 2020.

HORA: Ás 17:00h.

LUGAR: Centro Empresarial do Polígono do Tambre.

DIRECCIÓN: Vía Edison nº 1, 15890 Santiago de Compostela (A Coruña).

Os chamamentos serán únicos, e a orde de actuación dos/as candidato/as realizarase según o disposto no Anexo I desta resolución.

O tempo máximo para a realización da proba será de 15 minutos.

Serán excluídos/as aqueles/as candidatos/as que non comparezan, non sendo os casos debidamente xustificados libremente apreciados pola comisión de selección. Neste suposto, os/as candidatos/as disporán ata o día seguinte da realización da proba para achegar ditos xustificantes. Non se admitirá recurso ao respecto das decisións da comisión de selección neste punto. Non obstante, de acordo co disposto no apartado 1.4.1 das bases específicas, non quedarán excluídos/as aqueles/as candidatos/as que non se presenten a esta proba pero acrediten o coñecemento de galego mediante presentación do correspondente diploma ou certificado no período de presentación de emendas.

A comisión de selección comprobará a identidade dos/as candidatos/as antes do inicio da proba, para o cal os/as candidatos/as deberán acudir provistos do DNI ou, no seu defecto, pasaporte ou carné de conducir orixinais, ou documento equivalente, sendo excluído/as igualmente quen non poida acreditar a súa identidade, ao xuízo da comisión de selección.

Seguindo a Orde SND/422/2020, de 19 de maio, por a que se regulan as condicións para o uso obrigatorio da mascarilla durante a situación da crisis sanitaria ocasionada polo COVID-19, publicada no “BOE” núm. 142 do 20 de maio de 2020, **será obrigatorio o uso de mascarilla para o acceso o recinto onde se realice a proba e en todas as zonas comúns.**

Non se permitirá no recinto onde se realice a proba o acceso e tenza de teléfonos móbiles, axendas ou demais dispositivos de carácter electrónico. Así mesmo, queda prohibido o acceso ó recinto con calquera outro material ou instrumento de que se poida valer o/a candidato/a para auxiliarse na realización do

exercicio. Advírtese que non haberá servio de recollida do referido material, instrumento ou dispositivos.

A comisión de selección contará cun asesor especialista para a súa colaboración na proba de galego, que se limitará a prestar asesoramento na súa especialidade, e terá voz pero non voto.

Quinto.- Criterios de cualificación do/as candidato/as na proba.

A proba de capacidade da lingua galega pretende diagnosticar o grao de competencia dos/as candidatos/as en función da súa competencia lingüística (comprensión auditiva e expresión oral) e comunicativa para desenvolverse no cumprimento do posto de traballo. Búscase que o/a candidato/a poida interactuar en galego, en situacións que se van dar frecuentemente no desenvolvemento do posto de traballo, que poida expresarse e entenderse clara e detalladamente, e que poida comunicar, de forma adecuada, consellos, opinións, desexos e necesidades.

A proba consistirá nunha conversa sobre diferentes temas na que se valorarán exclusivamente as destrezas lingüísticas do individuo, valorándose conxuntamente tanto a comprensión auditiva (se entende o que se lle di) como a expresión oral (como fala) dun xeito global.

Esta proba valorarase como apta ou non apta, correspondéndolle á comisión de selección determinar o nivel de coñecemento esixido para acadar o resultado de apta.

En Santiago de Compostela a 19 de xuño de 2020.

O presidente da Comisión de selección.



Asdo.- Martín Martínez Abal.

DNI ou eq.	Discap.
44655208H	
79331345K	